

80
107

P. f. 110

Theologie
E. VI. 428



4

Von der ewi-
gen Gerechtigkeit
der Christen.

Ein kurzes
Tractetlin

M. Stephani Prætorij.



Wissen.

M. D. LXXIII.

[Faint, illegible text, likely bleed-through from the reverse side of the page.]

[Faint, illegible text on the right edge of the page, possibly from an adjacent page.]



Dem Ehrwürdi-
gen / vnd in Gott andechti-
gen Herrn / Joanni Vorbern /
des Stifts vnd Klosters
Rittershausen
Abbati:

Wünsche ich Stephanus Prætorius
Gottes gnad vnd fried.

S sind / Ehrwür-
diger vnd in Gott an-
dechtiger lieber Herr
vnd Vater / zween
punct in heiliger Gött-
licher Schrift / darauff sich ein je-
der Christen / damit er sie wol ler-
ne / mit ganzem fleis vnd ernst bege-
ben sol. Der erste ist / das ware er-
kentnis Christi / oder der hohen wol
A ij thaa

thaten Jesu Christi / welche er vns
durch seinen bitteren Tod erworben
hat. Der ander / ist das erkentnis ei-
nes Gottseligen lebens / wie man al-
hie auff Erden ein Gott wolgefelli-
ges leben führen solle. Von dem ersten
schreibet S. Paulus zun Ephesern
am ersten Capitel also: Der Gott
vnser Herr Jesu Christi / vnd der
Vater der herrligkeit / gebe euch den
Geist der weisheit vnd der offenba-
rung / das jr erkennen müget / welche
da sey die hoffnung ewers beruffs /
vnd welcher sey der reichthumb sei-
nes herrlichen Erbes an seinen Hei-
ligen. Vnd am dritten Capitel: Ich
beuge meine knie / gegen dem Vater
vnser Herr Jesu Christi / der der
rechte Vater ist / das jr begreifen
möget mit allen Heiligen / welchs
da sey die breite vnd die lenge / vnd
die

die tieffe / vnd die höhe / nemlich der
weishheit des Euangelij / oder aller
wolthaten Jesu Christi. Von dem
andern aber / nemlich von dem er-
kenntnis eines Gottseligen lebens /
setzt er diese wort / im fünfften Ca-
pitel : Seid nicht vnuerstendig / son-
dern verstendig / was da sey des
Herrnwille / das jr sollet heilig vnd
vnstrefflich sein für jm / in der liebe.
Item : Seid vntereinander freund-
lich / herzlich / vnd vergebet einer
dem andern / gleich wie Gott euch
vergeben hat in Christo. Vnd aber-
mal : Sauffet euch nicht vol Weins /
daraus ein vnordich wesen folget /
Sondern werdet vol Geistes / vnd
redet vnternander von Psalmen
vnd Lobfengen. Schandbare wort
aber vnd Narrenteiding lasset niche
von euch gesagt werden / vnd betrü-

A iij bek

bet den heiligen Geist nicht. Zu vor
aus meidet Hurerey vnd den Weitz.
Denn jr seid heilige vnd Gottes
Volck / geschaffen in Christo Jesu
zu guten wercken.

Demnach / weil ich nicht allein
ein Christen / sondern auch ein Lerer
bin / hiezu von Gott ordentlicher
weise beruffen / das ich das grosse ge
heimnis / vnd die hohe weisheit wa
rer erkentnis Jesu Christi / vnd sei
ner vnaußsprechlichen güter / der
Welt sol helffen offenbaren / nach
den gaben / mir dazu von Gott ver
lihen / scheme ich mich des Euangelij
nicht / sondern thue mich hervor /
vnd predige es schriftlich vnd münd
lich / Wie ich denn schon allbereit /
Gott habe lob / etliche Predigten /
von der Menschwerdung / von dem
Leiden vnd Sterben / vnd von der
frö

frölichen Auferstehung Jesu Chri-
sti / auff's Papir gebracht / vnd in den
druck versertigt habe. Weil aber
dis stück das fürnemest ist / darin
man sich vben sol sein lebenslang / wil
ich nicht auffhören / sondern ehe ich
greiffe zur lare von der Himelfart
des Herrn / den *locum* von vnser
Rechtfertigung / in diesem Tractet
lin in sonderheit erkleren. Denn die-
se Vere ist die aller nötigste in der
Christenheit / welche dem Teuffel
den kopff zutritt / vnd den Gewissen
heil bringet: vnd kan in diesem leben
nicht ausgeleutert / noch ausgele-
net werden: Wie Lutherus schrei-
bet / in der Vorrede / ober M. Joan-
nis Spangenberg's Postill: Wachet /
studire / *attende lectioni*. Fürwar du
kanst nicht zu viel in der Schrifte
lesen / vnd was du wol liffest / kanstu
A iiii nicht

nicht zu wol verstehen / vnd was du
wol verstehest / kanstu nicht zu wol
lernen / vnd was du wol lere kanstu
nicht zu wol leben. *Experto crede
Ruperto.* Der Teuffel ist / die Welt
ist / vnser Fleisch ist / die wider vns
wüten vnd toben.

Weil aber diese lere / von vnser
gerechtigkeit / so wir in Christo Jesu
haben / mus rein gepredigt werden /
sol sie anders reinen Glauben vnd
reinen trost bringen: Wil ich alle
meine Mitbrüder / welche in der
Creutzschulen gewesen / vnd von
Gott erleuchtet sind / gebeten ha-
ben / das sie es mir getrewlich von
allem schlam / altem vnd newem /
wollen helffen saubern / bis es sieben
mal geleutert / dem lautern Golde
gleich werde. Denn der eine flecket
mir dis an vnser Justification hin-
an

an / der ander ein anders / damit
man vns ja dieselbige vngewis / vnd
vnsern glauben zweiffelhafftig ma-
che. Vnd die am meisten wider Do-
ctorem Maiorem ruffen vnd schreyen /
die besudeln vns die lere des Euan-
gelij am meisten / vnd leren nichts
gewisses / darauff sich ein armes
Hertz vnd Gewissen gantzlich ver-
lassen / sich dessen trösten / mit freu-
den zu haus gehen / vnd Gott dan-
cken könnte. Ja die armen Seelichen /
so trost bey iren Brunnen suchen /
werden durch iren Göttlichen eiuer
so geirret vnd betrübet / das sie nicht
wissen wo sie dahem sind / vnd was
sie von Christo zu hoffen haben.
Diese schlacken last vns abthun von
vnser Justification / so viel vns in
Gott möglich ist / vnd vnser Gerech-
tigkeit allein gründen auff das ver-

A v dienst

dienst Jesu Christi / vnd nicht auff
vnsere werck. So gehet denn der
Glaube / friede / freude vnd seligkeit
in vnserm hertzen an / vnd folgen
rechtschaffene gute werck. Vnd ob
vns gleich der Teuffel darüber wird
schwarz ansehen / vnd wider vns
brüllen / so last vns solches nicht ach-
ten. Denn wer da wil das Euange-
lium lauter vnd rein predigen / der
absoluire sich nur stracks von aller
Welt lieb vnd gunst / vnd von allen
guten tagen / vnd lasse sich frey
als einen Ketzer auff's maul schla-
gen / da wird nicht anders aus. Wer
am wenigsten vom Euangelio weis /
der ist der gelarteste darin / vnd kan
andere reformiren. Denn was man
am wenigsten verstehet / das tadeln
man am meisten / nach dem Spruch
Pauli: Es ist den Weisen eitel thor-
heit /

heit/ vnd eitel ergernis. Solt aber
ein warer Christ nicht so viel herzes
vnd mutes haben/das er vmb Chri-
sti ehre/ vnd so vieler Menschen se-
ligkeit willen/ von einem verdam-
ten feinde Christi/ sich solte auff
den mund schlagen/ vnd sich schen-
den vnd hōnen lassen. Wie lang we-
ret dieser Welt hohn? *Dum respici-
mus immortalitas adest.* Daher schref-
bet der Heide Cicero an einem ort/
ich halte *pro P. Sestio. Qui bonam fa-
mam bonorum, quæ sola verè gloria no-
minari potest, expetunt, alijs otium
querere debent, & voluptates, non si-
bi. Sudandum est his pro communibus
commodis: obeunda inimicitia: sube-
unda sæpe pro Repub. tempestates: cum
multis audacibus & improbis, nonnun-
quam etiam potentibus dimicandum
est.*

Wenn

Wenn wir aber den grund ge-
legt / vnd die erste erbeit ziemlicher
massen verrichtet / vnd vnser liebe
zuhörer zum waren erkentnis Chri-
sti nechst Gott verholffen haben:
wollen wir alsdenn auch endlich
schreiten zu der lere vom guten le-
ben / vnd die aller herrlichsten gebot
dauon thun / als wir immer in Got-
tes Wort finden können. Wir wol-
len auch hernacher von der Busse
der gleubigen Gottes Kinder etwas
reden / auch endlich von dem lieben
heiligen Creutz / Alles ordentlich
vnd bescheidenlich / so viel vns Gott
gnade dazu verleihen wird.

Diesen *appendicem* aber / gehörig
zu der lere von der Auferstehung
Christi / wil ich euch / Ehrwürdiger
vnd andechtiger lieber Herr / dar-
umb zugeschrieben haben / das ich
wol

Wol weis / was es für ein ernst Ewer
Wirde vmb ~~die~~ hohe lere / vnd ware ^{diese}
Gottseligkeit ~~ist~~ / vnd wie sie gerne ^{sey}
wolte / das alle Klöster vnd Stiffte
in der ganzen weiten Welt sich ein
mal genzlich vnd von herzen zu der
reinen vnd heilsamen lere des heili-
gen Euangelij begeben vnd bekenn-
nen möchten.

Alch wenn es viel Prelaten wü-
sten / was für ein edler Balsam das
reine Euangelion ist / vnd welches
reichen trost / ja freude vnd wonne
es gibet den gleubigen herzen / sie
würden nicht harren bis in jr Todes
stündlein / wie jrer ehliche thun: viel
weniger wider dasselbige gewolliche
vnd blutige kriege führen.

Ewer Wirde thut recht vnd wol
daran / das sie sich lest Gottes wort
iren höchsten schatz sein / vnd das sie
seinen

seinen lauff getrewlich hilfft beför-
dern. Denn was sol sonst ein Christ-
licher Prelat thun? Es ist umb eine
geringe zeit / so sind alle Fürsten vnd
Prelaten dahin. Wer wird aber sel-
liger sein / an dem grossen tage / denn
der sich Christi vnd seines Worts
herzlich hat angenommen? Hilff
Gott wie wird der Man leuchten.
Gottes gnade sey mit euch / vnd er-
halte euch zu seinen ehren lang in die-
sem leben. Soltwedel / anno Christi
1583. Montags nach Quasimodogeni-
ti.

Aus der Vorrede M. Lu-
theri über die *Annotationes* Wences
lai Lincken über die fünff Bücher
Mosi. Tom. 8. Ienensi,
pag. 136.

Wir sollen vnd wollen das vn-
ser thun / zu vnser zeit / vnd helf-
fen / das Wort Gottes / nach S. Pauli
befehl / fördern / das es reichlich bey der
Kirchen wone / Auff das niemand an
dem Jüngsten Gericht sich zu entschül-
digen habe / es sey jm nicht geoffenba-
ret / oder zu sparlich vnd wenig geoffen-
baret / sondern bekennen müsse / es sey
jm nicht durch ein Buch / sondern
durch viel Bücher / nicht durch einen
Doctor / sondern durch viel Doctores /
ohn vnterlas mit allen trewen / recht
vnd wol fürgetragen. Hiermit sind wir
entschuldiget / vnd haben vnser hand
gewaschen. Denn wir es nicht besser
haben sollen / weder es die Apostel ge-
habt haben / da sie klagen vber das ius-
cken

Den der Ohren nach newer lere / vnd
vberdrus der heilsamen lere. Oder viel
leicht ist dis die letzte zeit / dauon sie
solchs reden. Ja ich halt / es sey nicht
vielleicht / sondern gewislich dieselbige
zeit. Denn je reichlicher man prediget
vnd leret / je vberdrüssiger vnd leßiger
die Leute werden. Die werden für sich
antworten. Wir sollen immer fore/
importunè, oportunè, Unser erbeit ist
nicht vergeblich / des sind wir gewis.

Das aber ezliche sagen / wiewol auch
Salomon selbs saget / Eccles. am letz
ten / Des Bücher schreibens ist zu viel /
wer kan sie alle lesen ? ist recht vnd wol
geredt. Sol aber verstanden werden
von meinen vnd meins gleichen vnzeit
tigen Büchern / die entweder noch
nicht gnug gelert vñ erfahren sind / oder
nicht den namen des Herrn / sondern
iren eigen namen preisen wollen / nicht
dahin sehen / wie die Kirche irer lere ge
bessert / oder die Schrifft erkleret wer
de: Sondern wie sie da mögen auff dem
Marckte feil stehen / vnd gerhümet
werd

werden. Welchen es zuletzt gehet wie
dem vnzeitigen Obs / welchs vnter den
Bewmen die Sew fressen / ehe es halb
reiff wird. Wie wir diese dreißig Jar
sehr viel Bücher gesehen / deren doch
keines mehr in gedechtnis oder für
handen ist. Hette Carolstad / Zwins
gel / vnd jres gleichen / jr schreiben
vnterlassen / die Kirche were wol reis
ner blieben / vnd sie zuletzt auch besa
ser gefaren. Der guten Bücher aber
ist noch nie kein mal zu viel gewesen /
vnd noch nicht. So haben wir auch
vom **3 ERRT** befehl / das wir die
Schrift erforschen sollen. Vnd S.
Paulus Timotheo befihlet / Er sol an
halten mit lesen. Nu kan solch forschen
vnd lesen nicht geschehen / man mus
mit der Feder da sein vnd auffzeichnen /
was im vnter dem lesen vnd studia
ren sonderlich eingeben ist / das ers
mercken vnd behalten könne. Dar
umb ists recht vnd wol gethan / wem
die gnade gegeben ist / das er sich
vmb die Schrift mit rechtem ernst an
B nimpt /

nimpt/ zu forſchen vnd zu ſuchen/ Vnd
was im Gott guts eingibet / den an-
dern auch durch Bücher mitteil-
len/ vnd alſo die Schrift
helffen auslegen/
vnd die Kir-
chen beſ-
ſern.



Von der Christen Gerechtigkeit.

Der Heubtpunct gantzer
Göttlicher lere/darauff ein
Christen fürnemlich acht
haben / vnd den er fleißig
studiren / vnd wol wissen
sol/ist die lere von der Rechtfertigung
der Menschen für Gott. Denn diese lere
mit wärem Glauben angenommen/er
löset hertz vnd Gewissen von Sünd
vnd Tode/vnd macht es in sich gerecht
vnd lebendig. Wie S. Paulus bezeugt
get: zun Römern im fünfften Capitel:
Iustificati fide pacem habemus erga Deū.
Das ist / Ehe wir anheben zu glauben/
fülen wir nichts anders in vns denn eitel
Sünd vnd schrecken: aber wenn wir
dem Euangelio glauben/so sind wir gerecht/
vnd fülen eitel friede vnd freude
in Gott. Das derwegen diese Lere/
Verbum salutis, ein wort des heils/ bil-
lig maan nennet werden. Darumb so
B ij sol

sol auch diese lere / für allen andern bey
den lieben Christen / in Schulen vnd
Kirchen / höchstes fleisses getrieben
werden. Wie man im alten Testament
das Gesetz von vnsern wercken der Ju-
gend scherffen muste / Deut. 6. Also sol
man im newen Testament das Euange-
lion / von der Gerechtigkeit Christi /
nicht allein der Jugend / sondern auch
allen Menschen scherffen / damit sie die
selbige lere ja recht einnemen / vnd wol
verstehen.

Hienon haben wir viel vnd treff-
liche erinnerung in den Büchern Mar-
tini Lutheri / derer etzliche / vnd zwar
die bekantesten / aus seinen Postillen /
ich alhie anzihen vnd setzen wil.

Kirchenpostill / Winterteil / *ad di-*
ctum: Saget der Tochter
Zion. pag. 6.

Das ist den Predigern gesagt / vnd
inen wird damit befohlen eine newe
Predigt / die sie predigen sollen / nem-
lich nichts anders / denn was die folg-
gende

gende wort geben / Das ist ein recht sel-
liges erkentnis Christi. Wer etwas an-
ders denn dis predigt / der ist ein Wolff
vnd verfurer.

Pag. 14. Denn das Euangelion lö-
set das hertz von Sünden / von Tod /
vnd allem vbel / durch den Glauben an
Christum.

Pag. 36. Alle die etwas anders
handeln / denn Euangelium vnd Chris-
tum / die haben wol den namen / das sie
Christi Diener vnd Haushalter sind /
Aber im grunde sind sie des Teuffels
Diener vnd Haushalter / vnd handeln
des Teuffels ires Herrn mysteria oder
geheimnis.

Pag. 70. Es ist keine gewlicher
plage auff Erden / denn ein Prediger /
der Gottes Wort / das Euangelium
nicht prediget / der jertz leider die Welt
vol ist / vnd meinen doch sie thun wol /
vnd sind from / vnd ist nichts anders jr
wesen / denn eitel Seel morden / vnd
Gott lestern / das es gut were / ire Pres-
digt würde von niemand gehört.

B iij pag.

Pag 98. Wer dir nicht das Euangelium von der gerechtigkeit Christi prediget / den verwirff nur frey / vnd höre in nicht.

Pag. 177. Das Euangelium leret nichts anders denn Christum. So hat auch die Schrift nichts anders denn Christum.

Pag. 182. Es sol nicht mehr denn Christen geprediget werden / denn das bloss / lautere / einige liecht des Euangelij.

Am Sonntag nach Ostern / pag. 38. Umb des hauffens willen / des jungen Volcks / so noch daher wechset / die es noch nicht wissen / mus man solch öffentlich zeugnis oder Predigamt treiben / auff das sie auch Gottes gnade / so er durch Christum vns geschenckt vnd erzeigt / erkennen lernen / vnd also sein werck vnd wunder durchaus öffentlich bekandt vnd gepreiset werde / dem Teufel vnd der Welt zuwider. Wo aber dis zeugnis gehet / da gehets gewislich nicht ohne frucht ab / vnd feilet nicht / es trifft ja ezliche / die es annemen vnd
glaub

glauben. Denn weil es des heiligen Geis-
tes zeugnis ist / so wil er auch dadurch
kressftig sein. Daher heist auch S. Pet-
rus / 1 Pet. 1 die heiligung der Chris-
ten / eine besprengung des Bluts Jesu
Christi / damit vns der heilige Geist
selbs besprenget / durch die eusserliche
Predigt des Euangelij. Welchs ist eine
ander besprengung / denn der Juden
Sprengwasser war. Denn hie ist das
rechte Weihwasser vnd Sprengblut
beyeinander / das ist die Predigt von
dem Blut vnsers Herrn Jesu Christi /
welchs wird gesprengt vber die See-
le / vnd wo es trifft / da feyrets nicht.
Denn das Euangelium ist nicht ein ver-
geblich tod blut / sondern ein kressftig
lebendig Blut des Sons Gottes / vnd
lest die Seele nicht vnrein bleiben / son-
dern reiniget vnd heilet sie von grund
aus / beide von Sünd vnd Tod / so lang /
bis wir des gar los werden / vnd mit
Seel vnd leib das ewige leben erlan-
gen.

Vnd ob wol die vn Sinnige Welt
nach dieser lere wenig fragt / sondern
B iij nur

nur allein nach geld vnd gute trachtet:
ja viele dieser lere öffentlich widerspre-
chen: so ist's nicht ursache gnug / das
man darumb solte inne halten / vnd das
heilsame liecht vnter den scheffel setzen /
Awe nein / jmer fort in Gottes namen.
Es sind dennoch wenig hertzen ver-
handen / in welche das liebe wort felt /
vnd reiche frucht bringet / soltens auch
nur die aller elendesten vñ betrübtesten
sein / vmb welcher willen auch allein
das Euangelion gepredigt wird. Denn
gleich als der tau aus der morgenröte /
nach einer grossen hitze / nicht ohne
frucht abgeheth: also geheth auch das
liebe Euangelion nicht ohne frucht ab /
fürnemlich in den angefochten hert-
zen.

Weil ich denn aber Ampts vnd
pflicht halben angefangen habe / diese
heilsame lere von vnser rechtfertigung /
in meinen vorgehenden Schriffelin zu
handeln / wil ich jetzt fortfaren / vnd sie
noch etwas weiter erleutern vnd erkla-
ren / mir so wol als andern zum ewigen
nutz vnd troste. Vnd wil also die Frage
stelt

stellen / nemlich / Was wir doch guts
aus dem Tode vnd aufferstehung Chris-
ti haben? Oder / was vns Christus
durch seinen Tod erworben / vnd durch
seine fröliche aufferstehung in die welt
bracht habe? Gott helffe mir / das ichs
ja vollende / zu lob seines namens.

Was hat vns Gottes Son
durch seinen Tod erworben: vnd
durch seine Aufferstehung in
die Weltbracht?

Neue vnd volkomen Gerechtig-
keit / so für Gott gilt / oder für Gott
bestehen kan. Denn er hat nicht allein
die Sünde von vns genommen / durch
sein Blut / das sie vns nicht mehr sol
zugerechnet werden / wie gros vnd
schwer sie auch jmer ist: Sondern er
hat vns auch damit neue Gerechtig-
keit erworben / vnd dieselbige an der
Sünden stat gesetzt. Dis bezeuget S.
Paulus mit diesem Sprüchlin / Rom.
5. Iustificati sanguine eius. Wir sind ges-
recht

B v

recht

rechte gemacht durch sein Blut / nemlich
also vnd dergestalt / das vns keine
Creatur irgend einer Sünden halben
mit fuge könne beschuldigen / vnd das
vns Gott selbs nicht könne verdamm
men: sondern das vns alle Creaturen /
im Himmel vnd auff Erden / ja Gott selb
ber / für gerecht vnd selig halten müß
sen.

Vnd diese Gerechtigkeit hat vns
der Herr Christus angezogen in vnser
Taufe / da er vns in gerechtigkeit herr
lich gemacht hat. Gal. 3. Wie viel
ewer getaufft sind / die haben Christum
angezogen. Das ist / Alle getaufften vñ
auserwelten sind in irer Tauffe Christen
geworden / Vnd haben den Herrn Chris
tum also angezogen / das sie ein leib
mit jm geworden. Ja nicht allein das /
sondern alles was herrlich in Christo
ist / dasselb haben sie zugleich mit jm
angezogen / vnd sind dessen teilhafftig
worden. Als zum Exempel / seiner Gött
lichen weisheit / gerechtigkeit / krafft /
lebens vnd seligkeit. Das also keine herr
licher Person / nehest Christo / kan er
dachs

Dacht werden/ im Himmel vnd auff Erden/
als eben ein Christen. In sonderheit
aber haben die lieben getaufften
die gerechtigkeit Christi/ so er inen
durch sein Blut erworben/angezogen/
als ein köstlich Kleid. Denn gleich als
ein lieber Breutigam seiner liebē Braut
die alten vnsaubern Kleider auszeucht/
vnd zeucht jr newe reine vnd schöne
Kleider an: Also hat vns auch der Son
Gottes/ vnser lieber Breutigam/ in vnser
Taufse/ vnser Sündenkleider ausgezogen/
vnd das Kleid der Gerechtigkeit
widerumb angezogen/ Wie er selber
spricht Zachariae am dritten: Siche/ ich
habe deine Sünde von dir genommen/
vnd habe dich mit Feierkleidern bekleidet/
nemlich mit Feierkleidern vollkommener
gerechtigkeit. Dis bekennet der Prophet
Esaias/ das im solchs widerfahren
sey/ im 61 Capitel/ da er frölich vnd
herzlich spricht: Mein lieber Ohm/ der
Herr Christus/ hat mich gekleidet mit
dem Rock der gerechtigkeit/ vnd hat
mich gezieret wie einen Breutigam/ ja
wie eine Fürstliche Braut/ so da jetzt in
irenen

frem Fürstlichem gewade zur Kirchen
sol gefüret werden. Der ganze schmuck
aber / damit der Herr Christus seine
Christen schmücket / ist beschrieben/
Ezechielis am 16. Capitel / Ich badet
dich mit Wasser / vnd wusch dich von
deinem Blut / vnd salbete dich mit Bals
sam / vnd kleidet dich mit gestickten
Kleidern / vnd zoch dir semische Schuch
an. Vnd zieret dich mit Kleinoten / vnd
legt dir Geschmeide an deine Arm / vnd
gülden Keelin an deinen hals / vnd gab
dir harband an deine stirn / vnd Ohren
ringe an deine ohren / vnd eine schöne
Krone auff dein heubt. Ich gab dir
Semel / Honig / vnd ole zu essen. Wer
dis wolte austreichen / hilff Gott /
welch ein schönes vnd liebliches gemelt
de solt er daraus machen? Daher wird
die liebe Kirche genennet / Achsa / Iud
dic. 1 Achsa aber heist / wie es Lutherus
ausleget / das schöne Gretlin mit den
roten Schuhen / das zarte Töchterlin
Gottes. Item / sie wird genennet / die
edle vnd hübsche Fürsten tochter / im
hohen liede Salomonis / Cap. 7. Wie
schön

schön ist dein gang in den schuhen / du
edle Fürsten tochter. S. Johannes / in
seiner Offenbarung am 19. Capitel / bes
schreibet die Kirche / das sie sey / Christi
Braut / angethan mit reiner vnd schön
er Seiden. Vnd erkläret bald die Sei
de / vnd spricht / Die Seide aber ist die
Gerechtigkeit der Heiligen. S. Paulus
aber zum Ephesern am 5. darff sagen /
das die Kirche kein flecklin vnd rünz
lin der Sünden mehr an sich habe / son
dern das sie gar rein sey. Wie auch der
Herr Christus selber spricht / Ioan. 13.
Ihr seid ganz rein. Ja das sie nicht al
lein rein sey von allen Sünden / sondern
das sie auch dazu an Gerechtigkeit herr
lich sey / wie vom glantz die Sonne ist /
das gleich ein glantz der Gerechtigkeit
von jr leuchtet vnd scheinet / saget S.
Paulus.

Es rhümet sich wol die Stadt Tya
rus / Ezechielis 27. das sie die aller
schönste sey / vnd spricht / Consummati
decoris ego. Aber ein Christen kan vnd
sol sichs viel mehr rhümen / das er der
aller schönste sey / vnd das er an schön
heit

heit vnd gerechtigkeit vollkommen sey/
wie Adam vor dem fall gewesen / Ja
noch wol etwas schöner. Wenn einer
eines Christen schönheit sehen köndte/
der würde sich darüber entsetzen / vnd
mit grosser verwunderung sprechen:
Lieber Gott / sind so schöne Engelin
auff Erden? Ja er würde einen Chris-
ten in höchsten ehren halten / vnd in
herzlich lieb haben / wie in der Herr
Christus hat. *Quoniam Christus in
flammatus decore nostro interiori sub-
inde ad quemlibet nostrum inquit: Mi-
formosule, ostende mihi faciem tuam,
& affice mihi cor meum. Quoniam tu
iustus es, tu pulcher es, iustitia & pul-
critudine mea, Non angelica, sed mea.
Veni igitur ad me, o gaudium & cor-
rona mea, in delicias & amena para-
dyfi.*

Das aber vnser gnaden gerechtigi-
keit / damit vns Christus in vnser Tauffe
bekleidet hat / viel besser vnd herrlicher
sey/

sey / denn die vöriige / die wir aus Adam /
im Paradis / im stande der vnschuld /
gehabt haben / bezeuget Flacius Illyricus
im Büchlin de Iustificatione contra Osi-
andrum: Weil ich mir in diesem teil für
genommen habe / die weise vnd form vn-
ser Rechtfertigung vnd vnsers heils / so
klar ich jmer kan / zu erklären / so wil ich
derhalben kürzlich auch etwas von
dem reden / was wir jezund mehr durch
Christum bekommen / denn wir durch die
Sünde verloren haben / vnd so Adam
nicht gesündigt / gehabt hetten. Von
diesem handel haben auch die Veter ges-
leret / vnd ist fürwar wol werd / das er
auffs aller reichlichste vnd deutlichste
erkläret vnd ausgelegt werde. Aber ich
habe jezund nicht die weil / darumb wil
ich kürzlich vber hin lauffen. Ich halte
es dauor / das zwey ding fürnemlich
sein / die wir volkömlicher durch Chris-
tum bekommen / denn wir sie zuvor
durch Adam verloren haben. Das eine
ist die Gerechtigkeit / oder vberschweng-
liche erfüllung des Gesetzes / die da ste-
het im Leiden vnd gehorsam Christi /
das

dadurch wir alhie auff Erden gerecht
fertiget werden. Denn Christus / der
nicht allein ein Mensch / sondern auch
ein geliebter Son Gottes ist / hat viel
volkômlicher dem Gesetze / oder gerecht
tigkeit Gottes gnug gethan / denn je
die Menschliche natur gekont hette / ob
sie gleich nicht gefallen were / oder auch
die Englische jezund ist. Derhalben so
folget aus diesem / dieweil die Gerech
tigkeit oder erfüllung des Gesetzes
durch Christum geschehen / vnser ist /
vns in der Tauffe geschenckt vnd gege
ben / das wir für Gott viel gerechter /
vnd im viel angenehmer sind / denn die
Menschliche natur / so sie nicht durch
die Sünde verderbt were / hette sein
können. Das ander ist / das wir jezund
eine grössere vereinigung mit Gott ha
ben / denn wir in der verderbten Natur
gehabt hetten / oder auch die Engel
jezund haben. Denn Gott hat vnser
fleisch angenommen / vnd hat gewolt /
das wir fleisch vom fleisch / vnd gebein
Christi seines Sons vnd vnser Heubts
weren. Welche vereinigung mit Gott /
wie

wie gros sie alhie in den Erstlingen des Geistes sey/ vnd wie volkomen sie in jenem leben werden wird/wir jzund mit vnsern sinnen nicht begreiffen/viel weniger mit Worten ausreden können.

Dis warhafftige gezengnis Illyrici / von vnser Rechtfertigung / ist so gros vnd thewer / das sich auch ohn zweiffel die Engel Gottes darin spiegeln / vnd die Fürstenthumb vnd herrschafften im Himmel / wie S. Paulus redet / Eph. 3. darüber verwundern.

Es möchte aber hie jemand zu mir sprechen / Sagstu das wir gerecht sind / ist doch kein armer schwacher vñ sündlicher Volck auff Erden / als eben wir Christen? Vnd ist doch kein Volck / zu dem man mehr von Sünden prediget / als eben wir Christen? Vnd ist doch kein Volck / das mehr seine Sünde betrewet vnd beweinet / denn eben wir Christen? Was sagstu vns denn viel von gerechtigkeit?

Antwort. Wir Christen sind ja schwach im leben / vnd haben leider viel Sünde; Aber solche Sünde sind
C vns

Uns bemantelt vnd bedeckt / mit der gerechtigkeit Jesu Christi / das sie vns Gott nicht wil zurechnen / noch vns darüber zu rede setzen / am tage seines Geriches. S. Paulus ist hievon bekant / darumb wil ich etliche Ichöne locos aus Luthero füren / die dis sein tröstlich erkleren sollen.

Lutherus in Psal. 118.

pag. 578.

Wir sollen wissen / das wir für vnser person / als Adams Kinder / wol verdampfte Sünder sind / vnd kein eigen gerechtigkeit noch heiligkeit haben. Aber weil wir getaufft sind / so sind wir auch in Christo heilig vnd gerecht / der vnser Sünde von vns genommen / vnd vns mit seiner heiligkeit begnadet / bekleidet vnd gezieret hat. Wer sich nicht schewet zu rümen vnd zu bekennen / das er heilig vnd gerecht sey / sondern jmer klaget / er sey ein armer Sünder / der thut eben als spreche er / Ich glaube nicht das Christus für mich gestorben / vnd das ich getaufft sey / vnd das mich
Christe

Christi Blut gereiniget habe / noch reinigen könne / Ich glaube auch der kein wort / was die ganze Schrift von Christo saget. Welcher Türck oder Jude ist so verzweiffelt böse / das er solchs gedencfen oder reden solt ?

In der Kirchenpostill / Winterteil / pag. 18. Vnter den Christen werden allezeit beiderley Krancken gefunden / nemlich innerlich im Glauben vnd Gewissen / vnd eusserlich in wercken vnd gutem wandel / Welcher keine Christus wil verwerffen / sondern alle auffgenommen haben / das die Christliche Liebe reichlich habe / darinne sie sich vbe.

Ibid. pag. 169. Es ist kein Heilige so vollkommen gewesen / der nicht fleisch vnd blut / ja der nicht einen stetigen Streit mit seinem Fleisch vnd blut gehabt hette.

pag. 210. Gott lest zuweilen seine Heiligen fallen / vnd wo ers nicht thet / solten wol die Heiligen fallen in vermessheit / vnd sich zu Abgöttern machen.

C ij pag.

Pag. 133. Gott leß der stolzenheit-
ligen hoffart seliglich fallen / auff das
sie in der Demut auffer stehen.

Pag. 135. Denn es ist kein grösser/
fehrlicher / giftiger ergernis / denn das
eusserliche gute leben / in guten wercken
vnd geistlichem wandel. Dis ist Fraw
Casbi / die hübsche Tochter des Fürsten
Zur von Midian / vber welcher vier
vnd zwenzig tausend aus Israel erschla-
gen wurden / Num. 25. Das ist das
rechte Hellethor / vnd die breite land-
strasse zur verdammnis. O welch ein grew-
licher gewel des vnglaubens vnd vn-
göttliches wesens ligt vnter dem schön-
nen leben? Welch ein Wolff vnter der
Wollen / welch eine Hure vnter dem
Kranz?

Pag. 53. Denn alle die nicht auff
die bloße güte vnd gnade Gottes sich
ergeben vnd leben / sind alle Impij, ob
sie gleich für grosser heiligkeit Todten
aufferweckten / Jungfrawen vnd aller
tugend vol weren. Darumb leß Gott
seine Heiligen fallen / auff das sie in sol-
che

che impietet / Gottlos vnd verdamlich
wesen nicht geraten.

Ioannes Pomeranus in Psal. 35.
pag. 199. Pys namq; etiam peccatum
cedit ad gloriam Dei, & ipsorum sa-
lutem æternam, mirabili Dei artificio
ut legis. Rom. 3. Sicut & turpissima
Christi mors Christo cessit in gloriam.
Oportuit enim Christum pati, & ita
intrare in gloriam suam. Audax addo,
mirabili & ineffabili Dei prouidentia
oportet quosdam in peccatum labi, ut
glorificentur. Norunt hanc sententiam
Dei multorum corda fidelium. Impij
vero ubi talia mysteria audiunt, vel ad
contentionem se vertunt, vel in excu-
sationem suæ impietatis prætexunt, id
quod ibidem in Paulo legis.

Lutherus / pag. 223. Christi reich
ist also gethan / das seine Christen nicht
volkomen heilig sind / sondern sind in
dem anheben vnd zunemen. Darumb
C iij findet

findet man noch jmer vnter jnen gebre-
chen vbrig von dem alten Adam / wela-
ches S. Paulus heist des Nehesten last /
die einer am andern tragen sol. Gal. 6.
Vnd die schwachheit / die man auffneh-
men sol. Rom. 15. Wenn nu ein falscher
vrteiler kömpt / vnd zelet die fruchte
des Geistes / Gal. 5. vnd meinet / solchs
sein gebot vnd geseze / wil er nicht gley-
ben das es Christen sind / wo nicht sol-
che fruchte ohn alle gebrechen sind /
vnd ergert sich also an Christo für groß-
ser weisheit / als der aus der Schrifte
sich rühmet / er wolle die Christen aus
den fruchten erkennen. Denn er trewa-
met jm selbs / die Christenheit sey ein
volkomner heliger stand / da kein geb-
rechen inne sey / wie es sein wird im Him-
mel vnter den Engeln. Sage aber / wo
redet die Schrifte also von den Chris-
ten? Wer aber die Christenheit erkenn-
et / das es ein anhebender vnd zuneh-
mender stand sey / der ergert sich nicht /
ob schon ein Christen gebrechlich ist.
Denn er weis / das es heist bey den Chri-
sten / Last tragen / vnd schwachheit
dulden.

Dulden. Vnd das die fruchte des Geistes nicht darumb als ein Gesetz gegeben sind / als solt es allerding so gehen / oder Christus verleugnet sein / Sondern also zu verstehen ist / Die Christen sollen gütig sein / das ist jr ziel vnd mas / da sie hin dencken / Aber bey dem stehen es gleichwol / das sie gütig zu werden anheben vnd zunemen / aber daneben gar offte ungütig vnd gleich widersinnische fruchte des Geistes bringen. Darumb wisse das Christus wunderbarlich ist in seinen Heiligen / vnd hüte dich / das du niemand richtest oder vrtheilest / es sey denn das du öffentlich siehest oder hörest / das er wider das Euangelion rede vnd gleube. Denn wer da wider redet vnd thut / den magstu frey vrteilen / das er auffer Christo vnter dem Teuffel sey / vnd bitte für in / vnd ermane in / das du in bekerest. Sonst wo du findest / der das Euangelium lobet / vnd helts in ehren / da halt dich nach der lere S. Pauli / Wer bistu der du einen frembden Knecht richtest? Denn Christus wil zugleich heimlich vnd offenbar
C iij sein /

sein / zugleich sich finden vnd nicht fin-
den lassen. Darumb lest er vnter den
früchten des Geistes / dabey man in Ken-
nen / vnd sich an jm bessern mag / mit
vnterlauffen ezliche gebrechen / damit
er sich verbirget / vnd sich an jm ergern
sollen die freueln Richter.

Diese thewre vnd treffliche Sprü-
che Lutheri gehen alle dahin / das Chris-
ten Sünde haben: vnd das sie Gott
aus sonderlichem bedencen vnd rahe
zuweilen fallen lasse: vnd das sie gleich
wol für Gott gerecht sein vnd bleiben /
vmb Christi willen: vnd das man sie
derwegen nicht richten noch verdam-
men solle.

Es sind aber diese vnd dergleichen
Sprüche Margaritæ, das ist / köstliche
Perlen / welche man nur allein betrüb-
ten vnd erschrocken hertzen / die sich
selbs an irem leben ergern / vnd nicht
den rohen Sewen fürwerffen sol. Denn
diese treten solche Perrlen mit füßen /
vnd faren zu den Lerern zu / vnd reißen
sie mit zenen.

Je

Ir Lerer / seid gelart zum Himmels
reich / vnd seid nicht Kinder on ver-
stand. Seid vol solcher heilsamer Sprü-
che. Denn jr seid nicht gemalte / sondern
lebendige Bischoffe / vnd Erzte der
Seelen / hiezu beruffen / das jr dieselbi-
gen recht vnterrichten vnd heilen sol-
let. Sehet aber zu / welchen jr diesen ed-
len Balsam mittheilet. Denn es sein theu-
re tropffen / der eins zehen tausent Tal-
lent werd ist / ja viel mehr.

Lutherus / Kirchenpostill / Som-
merteil / pag. 22.

Es were gut / wenns also künde
sein / das man das Euangelium alleine
prediget / an dem ort / da blöde vnd erschrocken
Gewissen sein. Weil man aber
solche nicht kan von dem grossen hauffen
absondern / mus man vmb der selbigen
willen ins gemein dahin predigen /
vnd Gott lassen befohlen sein / welche
vnd zu welcher zeit es treffen sol.

So sind wir nu / damit wir wider-
umb zu vnserm vornemen komen / für

C v Gott

Gott aus gnaden gerecht / vmb des
Bluts Jesu Christi willen / mit wela-
chem wir in vnser Tauffe besprenget
vnd geheiliget sind : ob wir wol von
natur arme Sünder sind / vnd teglich
viel sündigen. Dis ist vnser namen / den
hat vns Gott gegeben / Esa. am 60.
Mein Volck sollen eitel Gerechte sein.
Ja wir sind die Gerechtigkeit selbs / wie
S. Paulus spricht 2. Corinth. 5. Gott
hat seinen lieben Son / der von keiner
Sünde wuste / für vns zur Sünde ge-
macht / auff das wir würden in jm die
Gerechtigkeit. Hiebey sollen wirs auch
lassen bleiben / vnd vns für nichts an-
ders halten / auch von vns nichts an-
ders hören / denn das wir für Gott ge-
recht sein. Wer dir dis sagt / den höre /
denn er saget dir die warheit. Wer dir
ein anders saget / den höre nicht / denn
er sagt dir eitel lügen. Daher spricht S.
Paulus, Gal 5. In libertate, qua Christus
nos liberauit, stete. Ob er sagen wolt /
Stehet in der Gerechtigkeit Christi /
vnd lasset euch diese herrligkeit vnd die
sen rhum nicht nemen.

Ach

Ach aber / wer dis von hertzen gleya
ben / vnd sich dafür halten könte / der
were selig. Denn er hette gewislich ein
friedsam vnd frölich Gewissen sein le
benlang / vnd könte alle lere vrteilen /
vnd mit beiden füßen vber die hellische
Schlange vnd verdamliche Welt her
lauffen. Lieber Gott / was ist doch /
das vns dein Son Jesus Christus
durch sein Blut solche schöne Gerech
tigkeit erworben / vnd in vnser Tauffe
geschencke hat / vnd wir sollens doch
nicht gleuben? Ach ist nicht zu erbar
men / vnd mit heissen threnen zu bewei
nen / das vns Christus erlöset hat / vnd
wir sollen noch hin gehen / als hetten
wir keinen Christum / vnd weren nicht
erlöset? Erbarm es Gott / das wir ges
recht sind / vnd sollen vns doch nicht
dafür halten: sondern für die Leute /
die wir nicht sind / vns halten? Mus
denn Adam mehr sein / denn Christus?
Natur mehr sein / denn Gnade? Gley
be es aber frey / mein allerliebster Chris
ten / vnd halt dich nur im waren Glau
ben / wider deines hertzen / aller Welt /

vnd

Vnd aller Teuffel vrteil für heilig vnd
gerecht / wie dich denn dein Gott selber
helt. Du kanst dich warlich nicht zu heil
lig vnd gerecht halten in Christo Jesu.
Du bist für Gott so heilig vnd gerecht /
als der Herr Christus selbs ist. Wenn
du in deinem Glauben zum höchsten
gestiegen / vnd dich in Christo heiliger
vnd gerechter achtest vnd heltest / denn
einen Engel / so bistu dennoch nur auff
der ersten stufen. Denn deine gerecht
tigkeit ist nicht allein des Blutes / son
dern auch des gehorsams Christi ged
rechtigkeit / Welchs gehorsams Christi
sich kein Engel rühmen kan. Es mus ja
Christus weit mehr sein denn ein Eng
gel. Vnd wir arme Leute besorgen vns /
wir möchten zu viel glauben / vnd vns
selbs damit betriegen. Da wir doch vn
ser gerechtigkeit nicht ausgleuben könn
nen / wenn wir auch tausent Jar / mit
völligem Geiste daran glaubten. Dar
umb vergebe es Gott denen / die vns
solche gerechtigkeit aus dem hertzen pre
digen / Da wir doch billig nichts an
ders darin haben ~~sehen~~ / vnd alle vnser
predigten dahin gericht^{gerecht}
sein solten, das diese

Gerechtigkeit in vnserm hertzen bestetiget würde. Ach Gott / thue vns vnser augen auff / vnd vermehre vns vnsern glauben / zu lob vnd liebe deines heiligen namens.

Der ander Teil.

Es ist aber die Gerechtigkeit / So vns der Herr Christus durch sein Blut erworben / vnd nach seiner frölichen aufferstehung / in vnser Tauff vns geschenckt hat / ein ewige Gerechtigkeit / psal. 119. iustitia tua, iustitia in aeternum. Deine Gerechtigkeit ist eine ewige Gerechtigkeit. Esa. 51. Der Himmel wird wie ein rauch vergehen / vnd die Erde wie ein Kleid veralten / vnd die drauff wonen / werden dahin sterben / wie das. Aber mein Heil bleibet ewiglich / vñ meine Gerechtigkeit wird nicht verzagen. Das ist. Alles verschwindet vnd vergehet / wie ein rauch / auch Menschliche gerechtigkeit in den heiligen / wie man in teglicher erfahrung aus
vies

vielen Exempeln sihet: Aber die Gerech-
tigkeit Christi / vns ein mal in der
Taufe geschenck / vergehet nicht / wie
ein rauch / sondern bleibet fest in ewig-
keit. Denn das wörtlin Chatat / wel-
ches der Prophet hie brauchet / heist
nicht allein consternari, erschrecken / ver-
zagen / wie vnser schwache vnd blöde
gerechtigkeit thut / sondern heist auch
prosterni, conteri, deficere, fallen / zu nich-
te werden / vnd auff hören. Vnd bald
hernacher spricht er: Meine Gerech-
tigkeit bleibet ewiglich.

Daniel. 9. Siebenzig wochen sind
bestimpt vber dein Volck / vnd vber dein
ne heilige Stad / so wird dem vbertret-
ten gewehret / vnd die Sünde zugesiel-
gelt / vnd die misserthat versünnet / vnd
die ewige Gerechtigkeit gebracht.

Was heist das wörtlein Ewig?
Nicht allein das / das sich in diesem le-
ben zwar wol anhebet / aber in jenem
leben allererst volendet wird: wie es
zugehet mit vnser gerechtigkeit / welche
man nennet iustitiam legis, oder iustitiam
actiuam. Sondern es heist auch / vnd
für

fürnemlich an diesem ort/ was sich als
hie anhebt/ vnd weret für vnd für/ vns
ser leben durch/ ohn auff hören/ in alle
ewigkeit. Denn so legt es Doctor Luz
ther aus/ in dem schönen Confitemini/
vber die wort: Seine gütte weret ewig
lich: vnd spricht/ Das wort Ewiglich
sol nicht verstanden werden allein von
der gütte im Himmel nach diesem leben/
da ein ewiges leben sein wird / Son
dern das Ebreische wort Olam heist/
das wir sagen zu Deutsch / jmerdar/
oder für vnd für/ es sey ewig oder zeit
lich. In sonderheit aber schreibet Jo
annes Forsterus/ das dis wörtlin Ewig
von einer jmerwerenden vnd nie auff
hörlichen zeit sol verstanden werden/
wenn es von Gott/ oder von seinen gne
digen verheissungen geredt wird: Denn
dieselbigen sind in Christo Jesu alles
samt Ja vnd Amen. 2. Cor. 1

So ist nu dis die meinung/ nemlich/
das wir Christen/ in vnser Tauffe / aus
dem heiligen Blut / von dem erstanden
Christo/ eine feste/ beständige/ vñ ewig
werende Gerechtigkeit bekommen ha
ben/

bē/welche vns kein vnfal zurüttē noch
zu nicht machen sol/ auff das wir stets
vnser natur vnd tegliche Sünde damit
decken können. Was wollen wir mehr?
Also leret auch von dieser vnser Gerech-
tigkeit Joannes Mathesius in seiner
Kinderpostill am Ostertage: Was hat
vns Christus durch seine auffstehung
erworben? Er hat vns eine ewige vnd
feste Gerechtigkeit zu einem beutpfen-
ning aus diesem wünderlichen Krieg
mitbracht / welche wir der Sünden/
Gesetz / vnserm nagenden Wurm / vnd
Gottes grimmigem zorn können für-
halten. Vnd hat vns verdienet auff-
stehung des fleisches / vnd das ewige les-
ben / damit wir vns für dem Tode / Gra-
be vnd Helle nimermehr fürchten dürf-
fen.

Das ist recht Theologisch geredt/
wenn man so frey mag heraus reden/
von Göttlichen sachen / vnd nicht mum-
mum sagen / oder vnter dem hütlein
spielen. Der Himmel wird wegen solcher
freudigkeit vnd solches trostes nicht
fallen / da sorge man nur nicht eins für.
Das

Das es aber solch eine gelegenheit mit
vnsere Gerechtigkeit habe/nemlich/das
sie ewig/fest vnd vnbeweglich sey/wie
ein Berg Gottes / ist aus diesen gründen
offenberlich. Denn zum ersten hat
sie Gottes Blut vns erworben/Actor.
20. Nu mus es ja trawen nicht ein ge-
ringes / sondern ein grosses : nicht ein
vergengliches / sondern ein ewiges gut
sein / das vns Gottes Blut erworben
hat. Das kan ein vnuerstendiger wol
abnemen. Daher schreibet Theodoretus
dial 2. Ne imperfectam esse arbitraris no-
stram salutem, Ecce, ipse Dominus san-
ctissimum sacrificium pro nobis obtulit.
Das ist / Damit du nicht gedenckest/
vnsere heil sey vnvolkomen/ so hat der
Herr selbs das allerheiligst Opffer für
vns geopffert. Ja vnsere Gerechtigkeit
ist in Christo gegründet. Denn er ist für
vns gerecht/oder er ist vnsere gerechtiga-
keit / vmb welchs willen vns Gott wil
für gerecht halten. Seine Gerechtigkeit
ist vnsere Gerechtigkeit / der wir vns als
so annemen vnd rühmen sollen/ als vns-
ere eigen. 1 Cor. 1. Nun ist aber Chris-
tus

D

stus

Istus ewig gerecht / vnd seine Gerechtig-
keit ist eine ewige Gerechtigkeit / der er
nimmermehr sol noch kan beraubet wer-
den. Derwegen so sind wir auch ewig
gerecht / vnd vnser Gerechtigkeit ist ein
ewige Gerechtigkeit / der wir nimer-
mehr in ewigkeit sollen verlustig wer-
den. Ist derwegen sat vnd gnug / das
der Herr Christus gerecht ist / ob wir
schon für vnser person / in diesem leben /
nicht gerecht sein können. Denn Gott
wil ansehen seines Sons Gerechtig-
keit / vnd sich gerne daran benügen las-
sen / vnd vmb des willen den ganzen
hauffen / so jm anhanget / für gerecht
scheiden.

Zum Andern / so hat sie vns ja der
Son Gottes selbs / in vnser Tauffe ge-
schenckt / wie solte sie vns denn nicht
ewig bleiben? Denn mit den gütern
vnd gaben Gottes / die Gott gibt / hats
ja diese gelegenheit / das es beständige
vnd unwandelbare güter sein / weil sie
von grund des hertzens herkommen / Wie
S. Paulus spricht / Rom. am 11 Cap.
ἀμεταμέλητα γὰρ τὰ χαρίσματα τῷ Θεῷ.
Gott

Gottes gaben lassen sich nicht endern.
Darumb so mus vnser Gerechtigkeit/
die vns Christus selbs geschencft hat/
propter autorem, eine ewige/ oder ewig
werende Gerechtigkeit sein. Zieher ges
höret das thewre Sprüchlin Irenæi, lib.
2. aduersus hæreses: εἰ μὴ ὁ θεὸς ἐδωρήσατο
ἡμῶν σωτηρίαν, οὐκ ἂν βεβαίως ἔχομεν αὐτήν.
Si non Deus ipse nobis donasset salutem,
non firmiter eam haberemus. Wo vns
Gott der Herr selbs die seligkeit nicht
geschencft hette/ so hetten wir sie war
lich nicht feste. Nun sie vns aber Gott
gegeben hat / nun haben wir sie fest
vnd zur ewigen besizung.

Zum Dritten/ hat sie vns der Son
Gottes nicht von jm selber / sondern
aus raht / willen / vnd geheis Gottes
seines Himlischen Vaters gegeben/ der
sie vns zgedacht hat / aus frölichem
herzen / ehe der Welt grund ist gelegt
worden: auff das sie vnser heubtgut
sey / daraus wir seine grosse liebe gegen
vns sollen erkennen.

Zienon handelt S. Paulus ganz
eröstlich / in der Epistel an die Epheser

D ij am

Am ersten Capitel / Gott hat vns erwelet
durch Christum / ehe der Welt grund
ist gelegt worden. Item / Er hat vns
erwelet nach dem wolgefallen seines
willens / zu lob seiner herrlichen gnade.
Vnd abermal / Wir sind auch zum erbt
teil komen / die wir zuvor verordnet
sind / nach dem fürsatz des der alle ding
wircket / nach dem rath seines willens.
Darumb so mus ja vnser Gerechtigkeit
eine ewige vnd vnwiderruffliche Ge
rechtigkeit sein / welche der Son Got
tes nimmermehr von vns wenden wil /
weil sie gegründet ist im hertzen Got
tes / vnd bewaret im Himmel / da sie ja nie
mand verletzen kan. Daher sagt S. Pe
trus 1 Pet. 1 das vnser gerechtigkeit sey
hereditas immortalis, quæ non perit, quæ
non contaminari, nec marcescere potest,
seruata nobis in cælis. Ein vnuerge
liches / vnbeslecktes / vnd vnuerwelck
liches Erbe / verwaret vnd behalten
im Himmel. Diesen hohen trost / vom
ewigen rath Gottes / gönnet vns der
leidige Teuffel nicht / darumb treibet er
seinen mutwillen damit / vnd machets
also /

also / das wir in kaum rein behalten können. Ein jeder wil die lere von der Prädestination auslegē nach seinem kopffe / vnd wenig sind die auff der rechten ban bleiben / vnd stracks hindurch gehen / vnd die Ochsen nicht hinder den pflug spannen. Denn sie wollen nicht / das Gott solle einen Menschen anfenglich zu seinem Reich eruelen / sondern ein Mensch solle sich selbfr zu erst / durch den Glauben seines Freyen willens eruelen / Darnach wolle Gott komen vñ in zu haus holen : Damit ja alles verfert sey / vnd Gott dem Herrn seine ehre nicht rein bleibe. Viele lachens / wenn wir sprechen / das vns vnser heil von Gott versehen sey / ehe der Welt grund ist gelegt worden / vnd machen ein solch gespöct daraus. Es ist zur zeit des Kaisers Aureliani ein vnfinniger Mensch gewesen in Persia / mit namen Manes / der hat / wie vnfinnige Leute pflegen / vnfinnig ding von Göttlichen sachen geschrieben. Vnter andern hat er gezeichnet / das zween Götter sein / einer gut / der ander böß. Wer vom guten geborn

D iij sey

sey / der könne nicht verloren werden /
er thue auch was er wolle. Wer aber
vom bösen her sey / der sey schon ver-
loren / vnd könne nicht selig werden / er
thue auch was er wolle. Diesem unsin-
nigen Narren vergleichen sie vnsern lie-
ben Herrn Jesum Christum / in dem er
leret / durch seine heilige Propheten vnd
Apostel / das er sonderliche auserwel-
ten habe / in dem grossen hauffen der
Welt / welchen er ewige Gerechtigkeit
vnd ewiges Leben schencken wolle /
vnd das dieselbigen nimmermehr sollen
ymbkomen / oder nimmermehr verloren
werden. Vnd dis sol eben so viel sein /
wenn er dis leret / als wenn Manes
spricht / Es sein zweyerley Götter / vnd
die haben zweyerley Kinder.

Ist das nicht eine grewliche Gottes-
lesterung / aus Christo einen Manichæum
machen? Heist das nicht dem Herrn
Christo eine Narrenkappen anzihen /
vnd mit feusten schlagen / Wie jm die
Juden den roten Purpur anzogen / vnd
jn zugleich mit feusten schlugen. Dis
müssen wir teglich in jren Büchern les-
sen.

sen / vnd nicht verstehen / wir müssen
sehen / vnd nicht mercken. Wir armen
alphabetarij müssen nicht darüber klagen
gen / ja nicht eins darüber seuffzen / wir
theten sonst wider vnsern Eid / vnd sün-
digten in den heiligen Geist. Aber las
jmer hin klug sein / vnd jmer hin spot-
ten / sie werden zuletzt wol inne wer-
den / wes sie gespottet / vnd die thewre
gnade / der sie gespottet haben / wird
inen schwerlich widerfaren.

*Augustinus in Ioannem tract. 86. ad
dictum Christi: Non vos me ele-
gistis, sed ego elegi vos.*

*Hæc est illa ineffabilis gratia,
Quid enim eramus, quando Christum
nondum eligeramus, & ideo non dilige-
gebamus? Nam qui eum non elegit,
quomodo diliget? Quid ergo eramus,
nisi iniqui & perdit? Neq; enim iam
credideramus in eum, ut eligeret nos.
Nam si iam credentes elegit, electos*

D 4 elea

elegit. Cur ergo diceret, non uos me elegistis, nisi quia misericordia eius praeuenit nos. Hic certe vacat vana illorum ratiocinatio, qui praescientiam Dei defendunt contra gloriam Dei: Et ideo dicunt nos electos ante mundi constitutionem, quia praesciuit nos Deus futuros bonos, non seipsum nos facturum bonos. Non hoc dicit, qui dicit: Non vos me elegistis. Quoniam si propterea nos elegisset, quia bonos futuros esse non praesciuerat: simul etiam praescisset, quod eum nos fuisset prius electuri. Non enim aliter essemus boni: nisi forte dicendus est bonus, qui non elegit bonum. Quid ergo eligit in non bonis? Non enim electi sunt, quia boni fuerunt: qui boni non essent, nisi electi essent. Alioquin gratia iam non est gratia, si praecessisse contendimus merita. Haec quippe electio gratia est, de qua
dicis

dicit Apostolus: Sic ergo & in hoc tem-
pore reliquæ per electionem gratiæ
Dei saluæ factæ sunt. Vnde subiungit,
Si autem gratia, iam non ex operibus,
alioquin gratia iam non est gratia. Au-
di ingræte, ingræte audi. Non vos me
elegistis, sed ego elegi vos. Non est ut
dicas, ideo electus sum, quia iam crede-
bam. Si enim credebas in eum, iam ele-
geras eum. Sed audi. Non vos me ele-
gistis. Non est ut dicas: antequam cre-
derem iam bene operabar, ideo electus
sum. Quid enim est boni operis ante fi-
dem? Cum dicat Apostolus, Omne quod
non est ex fide peccatum est. Quid ergo
dicturi sumus audiendo, non vos me ele-
gistis, nisi quia mali eramus & electi
sumus, ut boni per gratiam nos eligen-
tis essemus? Non est enim gratia, si
præcesserunt merita. Est autem gratia.
Hæc igitur non inuenit sed efficit meri-
ta.

D 5

Hunc

Hunc argutum, pium & sanum
Augustini locum, ex sobria mente pro-
fectum, temulenti non intelligunt: Com-
mendo igitur eum ingenijs acutis, &
vigilantibus, qui suum acumen perpe-
tua belluatione nondum habet arunt, ut
eum attente legant & perpendant, ac
in disputatione de causa prædestinatio-
nis inepto rationis suæ iudicio opponant.

Zum Vierden / wird vns ja vnser
Gerechtigkeit von Christo / Gratis, aus
gnaden vnd vmbsonst / das ist / ohn ei-
nige condition vnd geding / oder ohn
ansehen vnser würdigkeit / oder hinder-
rung vnser vnwürdigkeit / geschenckt vñ
gegeben. Denn dis sind Pauli wort:
Rom. 3. Iustificamur gratis. Wir wer-
den ohn verdienst gerecht. Ist dem al-
so / so mus notwendig folgen / krafft die-
ses wörtlins / das keine vnwürdigkeit so
gros fürfallen könne / die vns an der
gnedigen Iustification hinderlich sein
solte. Denn ich mus nicht gedencken /
das

Das mich mein Herr Christus heute/
oder anfänglich für gerecht halte / gra-
tis, ohn ansehung meiner vnwürdigkeit/
morgen aber vñ hernacher solchs nicht
thun wolle / wegen meiner vnwürdig-
keit. Was were das für eine verende-
rung des liechts vnd gemüts in Chris-
to? Sondern das er mich für vnd für/
gratis, ohn ansehen meiner vnwürdig-
keit / gerecht schetze / vnd halte. Denn
vnsere Justification ist ein ewiger flus /
in dem hertzen Jesu Christi / vber vnser
ganzes leben. Vnd das wörtlin Gratis,
schelet aus nicht geringe Sünde oder
vngerechtigkeit: sondern die aller gröss-
sten Sünde / vnd die aller grössste vn-
würdigkeit / damit die Gnade Christi
desto scheinbarer sey / vnd desto grösser
ehre habe.

Von dem wörtlin Gratis, stehen viel
treffliche Sprüche / in gelarter Leute
Büchern / derer ezliche ich alhie erzelen
vnd setzen mus.

Chris

Luther, Gal 5.

Christus allein macht mich gerecht/
gratis, das ist / ohne aller meiner werck
zuthun / vnd ohn alle meiner Sünde
verhinderung.

D. Philippus in Locis,
pag. 205.

Paulus particulam Gratis nobis
diligenter & saepe inculcat. Nam hæc
particula Gratis, propter Christum,
facit discrimen Legis & Euangely.
Si enim non intelligamus hanc particu-
lam, de gratuita promissione, manet in
animis dubitatio, et Euangelium trans-
formatur in Legem, & nihilo certio-
res reddit conscientias de remissione
peccatorum seu iustificatione, quam
Lex aut naturale iudicium rationis.
Sicut aduersarij nostri, etsi vociferan-
tur se docere Euangelium, tamen quia
non

non docent de gratuita reconciliatione,
relinquunt conscientias in dubitatione,
& pro Evangelio docent Legem aut
Hesiodum, hoc est, iudicium naturale
rationis. Ergo intendenda mens est at-
que oculi, in hanc particulam Gratis.
Ideo enim necesse est de hac gratuita
promissione docere, ut res sit certa, ut
conscientijs eximatur dubitatio, ut ha-
beant firmam consolationem, in veris
terroribus.

Ioannes Brentius, in 3. capite
ad Rom. pag. 195.

Vocabulum Gratis, in hac mate-
ria, debet nobis omni auro & gemmis
commendatius esse. Nec enim Babylo-
nici, nec Romani Imperij maiestas, pos-
set nobis hoc unum vocabulum digne re-
pendere. Primum enim hoc vocabulum
exponit nobis aperte Dei voluntatem
ergo

erga nos, & aperit nobis ianuam cæle-
stis regni. Nisi enim iustificaremur, seu
ab iniustitia absolueremur gratis, nul-
lus hominum posset in cæleste regnum
intrare. Omnes enim peccauerunt, &
destituuntur gloria Dei. Nunc autem
cum iustificantur homines gratis, absq;
ullo operum suorum merito, aperta est
ianua cæli: ut iam liceat illis absq; ulla
remora per Christum intrare. Deinde
hoc unum vocabulum subuertit bona
omnium hominum opera aut virtutes.
Non quidem ita ea subuertit, ut non
sint facienda: semper enim benefacien-
dum est, semper in vocatione Dei, &
obedientia præceptorum Dei ambulan-
dum est: sed subuertit & damnat ea in
loco iustificationis. Nihil conferunt ad
consequendam remissionem peccatorum
coram Deo, nec possunt placare iram
Dei, & mereri gratiam eius. Quid plu-
ribus

ribus opus? Hæc vnica dictio, *Gratis*,
medetur grauissimæ tentationi, qua
solicitamur dubitare de gratia Dei ero-
ga nos. Solemus enim in tentatione cogi-
tare: Si hoc aut illud opus fecisses,
fortassis esses Deo gratus. Nunc au-
tem, qui nihil, aut parum boni fecisti,
quid diuinæ gratiæ sperares? Huic
tentationi occurrit Paulus hoc vocabu-
lo *Gratis*, quod est mutuatum ex Pro-
pheta *Esaiâ*, cap. 52. ubi inquit Pro-
pheta: *Gratis venundati estis, & sine
precio redimemini. Deus enim non est
institor, aut proxenella, qui mercatu-
ram aut nundinationem exerceat: sed
qui gratis faueat & benefaciat. Gra-
tia enim (utar autem verbis Augusti-
ni) non esset gratia ullo modo, si non
daretur & acciperetur gratis omni mo-
do.*

Vr

Urbanus Regius in Cate-
chismo pag. 85.

Obserua vigilanter, & nunquam
obliuiscere hanc uoculam Gratis. Hoc
aduerbium est unica & suauissima pec-
catorum consolatio, quod gratis & me-
ra misericordia, non propter merita
nostra, sed propter Christum accipimus
remissionem peccatorum. Nam cum iu-
stificatio sit gratuita, ergo est certa.
Non enim aliquando hæc gratia tolli-
tur. Quoniam nititur inconcusso & fir-
missimo fundamento, nempe operibus
& meritis dignissimis & perfectissimis
Iesu Christi, qui hostia pro nobis in cru-
ce fieri, & sanguinem fundere uoluit,
ut nos à peccatis redimeret, & iustissi-
mam iram Dei placaret. Si remissio
peccatorum inniteretur nostris operibus
aut meritis, necessarium foret, opera ac
merita nostra esse satis digna, perfecta,
&

¶ per omnia legi consentanea. Nunquam autem sunt talia. Nemo igitur auderet sperare salutem: ¶ esset incerta remissio peccatorum, Nemo enim in hac vita habet satis magnam penitentiam.

Ibid. pag. 68.

Gratia Dei est certa, promissoris Dei fides non vacillat, veritas eius manet inconcussa in æternum. Psal. 106. Qui illam firmitatem gratiæ Dei, ¶ certitudinem Christianismi non intelligit, Euangelium non intelligit, in quo firmissimè roboratum ¶ fundatum est hoc dogma.

Zum fünfften / wird vns ja vnser
Gerechtigkeit von Christo zu dem ende
geschenckt / das sie vnser ewiger trost /
vnd ewiges heil sey / damit wir vns /
wider vnser tegliche feile / wider die
blödigkeit vnser Herzen / wider die
schreck

schrecklichen dreuwort des Gesetzes/
wider die anfechtung des Teuffels / wi-
der das verdammnen der Welt / vnd wi-
der alle blicke Göttliches zorns trösten
vnd auffenthaltten sollen. Denn weil
wir von natur Sünder sind / vnd dazu
leider teglich viel sündigen / offte wider
allen vnsern willen vnd fürsatz / so lang
wir in dieser Welt / vnter so vielen rei-
gungen bleiben : vnd darüber am zar-
ten Gewissen liederlich verseret / vnd
durch die dreyung des Gesetzes / Item
durch die tyranny des wachenden Teu-
fels / vnd durch andere blicke erschreckt
werden : So hat vnser lieber Heiland
mittel vnd wege getroffen / dadurch
solchem jammer möchte begegnet vnd
geraten werden / nemlich / seine eigen
gerechtigkeit / damit er vns bekleidet
hat / auff das wir daraus ewigen trost
hetten. Denn vmb vnser armen Seelen
heil / trost vnd seligkeit willen / ist alles
geschehen / was von Christo geschehen
ist / wie Esaias sagt / Der Gerechtigke-
it nutz ist ewige stille vnd sicherheit. Vnd
S. Paulus 2. Thessal. 5. Christus hat
vns

vns geliebet / vnd gegeben einen ewigen
trost. Darumb so mus die Gerechtig-
keit auch ewig sein.

Endlich / werden wir arme Sünder
auch darumb gerechtfertiget / durch
das verdienst Christi / nach dem fürsatz
Gottes / aus gnaden / auff das wir Got-
tes liebe daraus erkennen / vnd jm von
hertzen dafür dancken sollen. Ewig lob
wil der Himlische Vater für solche wol-
that haben / nemlich / das er vns seinen
lieben Son zur Gerechtigkeit gemacht
hat / Wie David singet / psal. 113. Ge-
lobet sey des Herrn name / von nu an bis
in ewigkeit. Vom auffgang der Sonnen
bis zum niedergang / sey gelobet des
Herrn name. Darumb so mus auch ja
die wolthat ewig vnd vnuergänglich
sein / vmb welcher willen wir den Herrn
ewiglich lieben vnd loben sollen. Denn
wer wil den Herrn loben / wenn er na-
cktet vnd blos ist / vnd jm die Kleider
ausgezogen sind? Ja wer kan den Herrn
loben / der da zweiffelt / ob er gerecht
sey / oder nicht? Ob sie jm entfallen sey
die liebe gerechtigkeit / oder aber / ob er

Es sie

ſie noch habe? Ein zweiffeler kan Gots
nicht loben. Darumb ſchreibt Lutherus
in der Kirchenpoſtill/pag. 74. Das wir
darumb aus lauter gnade / ohn werck
vnd verdienſt gerecht werden/auff das
in vns ewiglich rein beſtehe / friede/
freude/liebe/lob vnd danck Göttlicher
Barmherzigkeit / on allen rhum eigens
vermögens oder zuthuns.

Schloßrede.

Lutherus in 45. Psalmum,
pag. 300.


Alle ander gerechtigkeit haben ein
herrlich anſehen / vnd ire ehre für der
Welt / Aber dieſe einige des Herrn Chriſti
Gerechtigkeit wird auffſ greulichſt
veracht vnd verſpottet / mus als ein
verdampft ding vnter den füßen vnd im
ſtaub ligen. Doch es falle ab / wer da
wil / es ſey Pfarherr / Vater / Mutter /
Fürſt oder Herr / ſo wil ich doch nicht
zu rück weichen / ſondern bey dieſer ar
men Gerechtigkeit ſtehen vnd bleiben.
Werde


Werde ich darüber verfolget oder er-
würgt / so las ichs geschehen / wenn
ich allein bestendig bleibe / Lasse gehen
wie es Gott vber mich verhenget hat /
allein er tröste vnd stercke mich /
Das ich sein Wort vnd Nam-
en bekenne bis an
mein ende.
Amen.


Finis.

psal. 84.

Der HERR gibt gnade vnd ehre /
Er wird kein guts mangeln las-
sen den fromen.








AB 46 13
AB 46 / n, 12


ULB Halle 3
002 683 717



St








4

Von der ewi-
gen Gerechtigkeit
der Christen.

Ein kurzes
Tractetlin

 M. Stephani Prætorij.



Wissen.

 M. D. LXX XIII.

